



Broj: 16-12-16-8741-~~17~~15 /21
Istočno Sarajevo, ~~17.02.~~ 2022. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 14.02.2022. godine, na preporuku Komisije za nabavke za potrebe Državne agencije za istrage i zaštitu u 2021. godini broj 16-12-16-8741/21 od 14.02.2022. godine, u postupku javne nabavke lož ulja za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke lož ulja
za potrebe Državne agencije za istrage i zaštitu

Član 1.

U postupku javne nabavke lož ulja za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2021. godini broj 16-12-16-8741/21 od 14.02.2022. godine, okvirni sporazum na period od dvije godine, dodjeljuje se ponuđaču „ALMY ”d.o.o. Zenica, ponuda broj 16-12-16-8741-8/21 od 18.01.2022. godine za ponudenu cijenu od 23.574,00 KM bez uračunatog PDV-a, umanjenu prema rezultatima e-aukcije.

Član 2.

(1) Agencija će zaključiti okvirni sporazum sa odabranim ponuđačem, a vrijednost okvirnog sporazuma će biti procijenjena vrijednost javne nabavke lož ulja.

(2) U toku važenja okvirnog sporazuma, pri svakoj isporuci lož ulja, primjenjivat će se popust ostvaren na e-aukciji (8,52%).

(3) Pri svakoj isporuci lož ulja, odabrani ponuđač je dužan dokazati cijenu na dan isporuke, odobrenu od strane nadležne institucije za promjenu cijena i dostaviti novi cjenovnik goriva (Ministarstvo trgovine FBiH u FBiH).

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-12-16-8741-1/21 od 24.12.2021. godine pokrenut je postupak javne nabavke lož ulja za potrebe Agencije, procijenjene vrijednosti 30.000,00 KM bez uračunatog PDV-a, za koji je obavještenje o javnoj nabavci objavljeno na Portalu javnih nabavki broj 1161-7-1-315-3-79/21 od 30.12.2021. godine. Novčana sredstva za realizaciju navedene nabavke obezbijedena su u okviru budžetskih sredstava za 2021. godinu, na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period oktobar-decembar 2021. godine („Službeni glasnik BiH“, broj 63/21) i Dokumenta okvirnog budžeta 2022.-2024. godina.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 6. Konkurentskog zahtjeva navedeno da je rok za dostavljanje ponuda 18.01.2022. godine do 13,00 sati, te da se ponude dostavljaju u zatvorenoj koverti, Komisija je dana 18.01.2022. godine u 14,00 sati izvršila javno otvaranje ponuda prema datumu i vremenu prijema, numerišući kovertu te je konstatovala da su u ostavljenom roku pristigle dvije ponude na Pisarnicu Agencije.

Na javnom otvaranju ponuda nije bilo prisutnih predstavnika ponuđača.

Blagovremeno su dostavljene dvije ponude, i to:

R.br	Broj protokola	Naziv ponuđača	Datum i sat prijema ponude
1.	16-12-16-8741-7/21	„HIFA” d.o.o. Tešanj	17.01.2022.godine u 10:30 sati
2.	16-12-16-8741-8/21	„ALMY ”d.o.o. Zenica	18.01.2022. godine u 10:56 sati

Redni broj.	Naziv ponuđača	Vrijednost ponude (bez PDV-a)
1.	„HIFA” d.o.o. Tešanj	28.332,00 KM
2.	„ALMY ”d.o.o. Zenica	25.770,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: ZJN), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak

je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Uvidom u dostavljene ponude ponuđača „HIFA” d.o.o. Tešanj i „ALMY” d.o.o. Zenica, Komisija je konstatovala da iste nisu u skladu sa traženim uslovima postavljenim u Konkurentskom zahtjevu. Naime, u konkretnom slučaju radi se o tome da je tačkom 2. (2.1.1.) Konkurentskog zahtjeva postavljen jedan od uslova prihvatljivosti ponuda, i to: „Obrazac za cijenu ponude treba popuniti kako je navedeno u samom obrascu. Popust na cijenu lož ulja mora se ponuditi i mora biti izražen u procentu (%), i ukupnom iznosu u suprotnom, ponuda će biti odbačena“. Nakon pregledanja dostavljenih ponuda imenovanih ponuđača, Komisija je konstatovala da u Obrazcu za cijenu ponude nije izražen popust, a što su ponuđači bili dužni ponuditi. Uzimajući u obzir navedeno, a posebno činjenicu o postavljenim uslovima iz Konkurentskog zahtjeva, ponude ponuđača „HIFA” d.o.o. Tešanj i „ALMY” d.o.o. Zenica se odbacuju, u skladu sa članom 68. stav (4) tačka i) ZJN.

Obzirom da je za postupak javne nabavke lož ulja za potrebe Agencije tačkom 8.2. Konkurentskog zahtjeva predviđeno provođenje e-aukcije u skladu sa Pravilnikom, a imajući u vidu da od dvije zaprimljene ponude na pisarnicu Agencije nijedna ponuda nije prihvatljiva, e-aukcija se neće provoditi za predmetni postupak nabavke.

Nakon pregledanja dokumentacije priložene uz dostavljene ponude, a cijeneći sve naprijed navedeno, Komisija je utvrdila da, ponude ponuđača „HIFA” d.o.o. Tešanj i „ALMY” d.o.o. Zenica nisu prihvatljive, zbog čega je dala preporuku da se u skladu sa odredbom člana 69. stav (2) tačka d) ZJN poništi postupak javne nabavke lož ulja za potrebe Agencije. Dalje, na osnovu člana 8. stav (2) tačka h) Zakona o Agenciji („Službeni glasnik BiH“, br. 27/04, 63/04, 35/05, 49/09 i 40/12), člana 69. stav (2) tačka d) i člana 70. st. (1), (2), (4) i (6) ZJN, na preporuku Komisije za nabavke za potrebe Agencije u 2021. godini broj 16-12-16-8741/21 od 19.01.2022. godine u postupku javne nabavke lož ulja, direktor Agencije donosi Odluku o poništenju postupka javne nabavke lož ulja broj 16-12-16-8741-10/21 od 25.01.2022. godine, a koja ista se ponuđačima dostavila u roku od tri dana, uz istovremeno objavljivanje na web stranici Agencije 26.01.2022. godine. Kako se protiv ove odluke može izjaviti žalba, u roku od pet dana od dana dostavljanja iste, Agencija je zaprimila žalbu na Odluku o poništenju postupka javne nabavke lož ulja za potrebe Agencije od ponuđača „ALMY” d.o.o. Zenica (u daljem tekstu: Žalitelj), 31.01.2022. godine, protokolisanu pod evidencijskim brojem Agencije 16-12-16-8741-12/21 od 01.02.2022. godine. Žalitelj podnosi žalbu zbog povrede odredbi ZJN, pogrešne primjene materijalnog prava i pogrešno i nepotpuno utvrđenog činjeničnog stanja.

Žalitelj je mišljenja da je razlog poništenja Odluke u suprotnosti sa čl. 68. i 69. ZJN gdje se navode razlozi za poništenje postupka nabavke, te da nedavanje popusta u ponudi ne može biti razlog za poništenje postupka nabavke. Takođe, Žalitelj je mišljenja da davanje popusta od 0% ne može biti razlog za odbacivanje ponude, te zahtijeva od Agencije da donese novu odluku, odnosno nastavi sa postupkom i zakaže e-aukciju. Žalitelj dalje navodi da je davanje popusta diskreciono pravo ponuđača i uslovljeno je kretanjima na tržištu, a da je Agencija dužna voditi računa da priprema ponude bude takva, da ne izlaže ponuđače dodatnim i nepotrebnim troškovima. Žalitelj je, kako navodi u žalbi, ponudio popust od 0%, čime je ispunio uslov iz Konkurentskog zahtjeva, na način da predviđenu rubliku nije ostavio nepopunjenom. Iz svega navedenog, Žalitelj smatra da je žalba osnovana, te traži od Agencije da istu usvoji, a u suprotnom da je proslijedi Kancelariji za razmatranje žalbi, na odlučivanje. Dana 01.02.2022. godine Komisija je zaprimila dopis Sektora za materijalno-finansijske poslove Agencije, u kojem se traži, u roku od tri dana, izjašnjenje na žalbu žalitelja, firme „ALMY” d.o.o. Zenica. S tim u vezi, Komisija je dostavila traženo izjašnjenje broj 16-12-16-8741/21 od 01.02.2022. godine, u kojem navodi da ponude imenovanih ponuđača nisu u skladu sa traženim i postavljenim uslova iz Konkurentskog zahtjeva, na način kako je to već naprijed i navedeno. Takođe, Komisija navodi i to, da nakon prijema i razmatranja žalbe, još

jednom ostvarila uvid u prispjele ponude i zaključila da bi usvajanjem žalbe žalitelja, firme „ALMY ”d.o.o. Zenica i zakazivanjem e-aukcije oba ponuđača imala jednak i nediskriminirajući tretman, imajući u vidu činjenicu da niti u jednoj od prispjelih ponuda nije iskazan popust na način kako je to Agencija zahtjevala u Konkurentskom zahtjevu. Eventualnim zakazivanjem e-aukcije ne bi bili ugroženi osnovni principi ZJN (član 3. ZJN), te smatra, da će eventualno umanjenje cijene nakon e-aukcije, predstavljati popust za cijeli period važenja okvirnog sporazuma.

Nadalje, rješavajući po žalbi žalitelja, firme „ALMY” d.o.o. Zenica, sa sjedištem u Zenici, ul. Vrandučka bb, izjavljenoj na Odluku o poništenju postupka javne nabavke lož ulja za potrebe Agencije broj 16-12-16-8741-11/21 od 25.01.2022. godine, direktor Agencije donosi Rješenje broj 16-12-16-8741-13/21 od 03.02.2022. godine, o usvajanju žalbe žalitelja, firme „ALMY ”d.o.o. Zenica, izjavljenu na Odluku o poništenju postupka javne nabavke lož ulja za potrebe Agencije broj 16-12-16-8741-11/21 od 25.01.2022. godine, te stavlja van snage Odluku o poništenju postupka javne nabavke lož ulja za potrebe Agencije broj 16-12-16-8741-11/21 od 25.01.2022. godine i predmet vraća na ponovno odlučivanje.

Cijeneći sve naprijed navedeno, postupajući po Rješenju direktora Agencije, a nakon isteka žalbenog roka, Komisija u skladu sa Pravilnikom, te tačkom 8.2. Konkurentskog zahtjeva, zakazuje e-aukciju na dan 14.02.2022. godine sa početkom u 11:00 sati u trajanju od 10 minuta za predmetni postupak javne nabavke.

Prema Izvještaju o toku i završetku e-aukcije od 14.02.2022. godine, Komisija je sačinila konačnu rang listu ponuda ponuđača koji su učestvovali u postupku e-aukcije, kako slijedi:

R.br.	Naziv ponuđača	Ponuđena cijena bez uračunatog PDV-a	Rang
1.	„ALMY ”d.o.o. Zenica	23.574,00 KM	1
2.	„HIFA” d.o.o. Tešanj	23.600,00 KM	2

Prema Izvještaju o toku i završetku e-aukcije od 14.02.2022. godine, Komisija je utvrdila da je bilo snižavanje cijene ponuda kao kriterij za dodjelu ugovora u skladu sa članom 8. Pravilnika.

Nakon provedenog postupka ocjenjivanja dostavljenih ponuda, Komisija je utvrdila da je ponuda ponuđača „ALMY ”d.o.o. Zenica ocijenjena kao najpovoljnija ponuda i da ne premašuje procijenjenu vrijednost javne nabavke.

Imajući u vidu naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazuma na period od dvije godine, dodijeli ponuđaču „ALMY ”d.o.o. Zenica, kako je navedeno u članu 1. ove odluke.

Pouka o pravnom lijeku: Protiv ove Odluke, može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu. Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima (x2);
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

Darko Čulum